

嘉祐集

三蘇全集

道光壬辰新鐫

嘉祐集

板藏眉州三蘇祠

補刊三蘇全集跋

道之丙戌夏

朔

莅任省州瞻拜先賢

初字取舊刊三蘇集而讀之頗病其草

畧未完思有以彌縫其闕文忠公集坊間

印本極多至以明允之嘉祐集次公之藥城

集自改明兵燹後已無再鐫者數年之間蒐

羅西易誠幸郊乃得有瀘州牧朱款原
篋年邈矣山河終獲覲面毋之精英之氣
應永其傳於桑梓之邦歟爰借鈔一通
重付剞劂至檢閱惜梓之事則州人
士力也

道光癸巳三月申州弓翊清跋



序

壬午歲

陳謨

因

礪堂蔣相國前保薦卓異得

旨候陞遂自東鄉擢權忠州篆既逾歲大府嘉其能
奏陞刺眉州眉故蘇文忠公父子所生長地竊自喜
以為平生誦三蘇文嘗想見其為人今得親至其
地可以覽其山川之秀麗並訪其故居遺跡實為
幸甚甲申冬十月始蒞任適州人士議刊三蘇文
集既有成請序於予以三蘇之文自宋迄今其

傳而序之者無慮數十家復何序之為然竊考前
人所刻或分部另傳或附他選以散見至合三蘇
而並為一集則未之有諸生生長是邦惜蘇氏之
後裔今已無可考其遺跡亦不多見追念先賢之
著述思網羅而薈萃之且念其父子兄弟世濟其
美合而錄焉彙為一集俾咸知其美畢脩其長各
著庶後之徵文獻者不至求之於野而都人士皆
得家傳戶誦世守鄉先賢文章之矩矱不墜不亦

肆乎夫吾聞好古之士過其地必訪其所產之人
苟其有所遺留必思表章之以傳述於後至莫為
之表章而令人太息痛恨於求古人所作於其所
生之地皆茫無可考不得謂非蒞斯土者之責抑
亦彼都人士之羞也茲三蘇文集之刻已成諸生
仍思博訪三賢著作之散軼或見於他說者皆得
收而續刻之並為一集以垂諸後意良厚矣予既
重嘉之因允其請而為弁言於首

道光乙酉歲前進士知眉州直隸州事浯川徐陳謨撰

三蘇全集原叙

字內經生家誦說三蘇多採擇以
裨公車言而鮮有能盡子瞻集之
奇者子瞻集外鮮有哀老泉之嘉
祐子由之轢城勒成蘇氏一家言
以盡其父子兄弟之奇者蓋蜀多

文人自相如揚雄王褒以後獨三
蘇以家學顯說者歸之峨岷江山
之勝而蜀地險遠不能致蘇氏全
書以無繇畢覽為恨昔者高宗喜
讀蘇集日夕進御北使館客屢誦
三蘇文及子由荻苓賦當時上至

九重下至數萬里外之館使皆知
有蘇氏文章而況其他哉今大中
丞三韓蔡公少時喜讀蘇文顧戎
馬間關迄未得暇尋以督撫視漕
淮上機務殷繁章疏雲集一旦思
所爲三蘇者寤寐見之陽羨陳實

菴太史掉一葉輕鳬相與縱談古
今之業慨然曰予先君子任粵時
曾購三蘇全版今年久剝蝕過半
公能校而補之余當載以歸公貯
之淮郡流布人間誠千秋盛事於
是公相顧狂喜以為希世之珍遂

命某偕太史公董正之而卷帙浩
繁篇章訛紊魯亥豕蒐剔良艱
爰令郡學博貢子悉心讐校歷歲
餘告成眉山父子之文復光天壤
噫余竊有歎於蘇氏之遭際也老
泉率二子抵京師韓富當國歎相

見之晚老泉能見知於韓富而官
不過主簿子瞻子由能見知於人
主太后而流離竄謫於風波瘴癘
之鄉僅以身免天下事故有不可
料者而愚獨幸二蘇之風節在此
學問在此詩文之日新月盛亦在

此初老泉權書諸篇好談兵事頗
近揣摩二子倣其爲文雖奔放橫
溢而言必快心事必破的未免荀
孟賈陸雜儀秦而用之故讒者指
以爲縱橫好勝卒被困屈晚年以
刀俎魑魅之餘生悉舉其感憤用

壯者淘汰之以詩酒詠歌風流諧
謔與夫釋氏老子之書故風節益
峻整而不露學問益醇深而不雜
天以斯文之任授二蘇出之安樂
投之憂患而二公旋即於憂患境
中歎美文字爲安樂法其以文爲